

DALAM MAHKAMAH TINGGI MALAYA DI SHAH ALAM
DALAM NEGERI SELANGOR DARUL EHSAN
SAMAN PEMULA NO. MT-21-248-2010

Dalam perkara Aturan 7, Aturan 15 Kaedah 16 dan
Aturan 28 Kaedah-Kaedah Mahkamah Tinggi 1980

DAN

Dalam perkara seksyen 41 Akta Spesifik Relif 1950

DAN

Dalam perkara Artikel-Artikel 4, 5 dan 8
Perlembagaan Persekutuan

DAN

Dalam perkara Konvensyen Untuk Menghapuskan
Diskriminasi Dalam Semua Bentuk Terhadap
Wanita 1979/81 ("Convention on the Elimination of
All Forms of Discrimination against Women
1979/81") dan Akta Pekerjaan 1955

DAN

Dalam perkara penarikan balik lantikan Noorfadilla
Binti Ahmad Saikin sebagai Guru Sandaran Tidak
Terlatih

DAN

Dalam perkara permohonan untuk, antara lainnya,
deklarasi dan gantirugi

ANTARA

NOORFADILLA BINTI AHMAD SAIKIN

PLAINTIF

DAN

1. CHAYED BIN BASIRUN
2. ISMAIL BIN MUSA
3. DR HAJI ZAHRI BIN AZIZ

4. KETUA PENGARAH PELAJARAN MALAYSIA, KEMENTERIAN PELAJARAN MALAYSIA
5. MENTERI PELAJARAN MALAYSIA, KEMENTERIAN PELAJARAN MALAYSIA
6. KERAJAAN MALAYSIA DEFENDAN-DEFENDAN

AFIDAVIT JAWAPAN PLAINTIF

Bahawasanya saya, NOORFADILLA BINTI AHMAD SAIKIN (No. K/P.), seorang warganegara Malaysia yang telah cukup umur, dan yang kini bermastautin di dengan ini sesungguhnya beriktar dan menyatakan seperti berikut:

1. Saya adalah Plaintiff yang dinamakan di atas.
2. Fakta-fakta dan perkara-perkara yang dideposkan di sini adalah benar dan dalam pengetahuan saya sendiri, daripada dokumen-dokumen dan rekod-rekod dalam milikan saya atau kepada mana saya mempunyai akses atau daripada maklumat yang dibekalkan kepada saya melainkan di mana dinyatakan sebaliknya.
3. Saya mengikrarkan afidavit ini sebagai balasan kepada:
 - (i) Afidavit Jawapan Defendan Pertama yang diikrarkan oleh Chayed Bin Basirun pada 29 September 2010;
 - (ii) Afidavit Jawapan Defendan Kedua dan Defendan Ketiga yang diikrarkan oleh Ismail Bin Musa pada 29 September 2010;
 - (iii) Afidavit Jawapan Defendan Keempat, Kelima dan Keenam yang diikrarkan oleh Tan Sri Dato' Haji Alimuddin Bin Haji Mohd Dom, Ketua Pengarah Pelajaran Malaysia pada 14 Oktober 2010.
4. Saya memohon kebenaran Mahkamah untuk merujuk kepada yang berikut:
 - (a) Saman Pemula bertarikh 7 Mei 2010 ("SP").

- (b) Afidavit Sokongan Plaintiff yang diikrarkan oleh saya pada 6 Mei 2010 (“ASP”).
 - (c) Afidavit Jawapan Defendan Pertama yang diikrarkan oleh Chayed Bin Basirun pada 29 September 2010 (“AJDChayed”).
 - (d) Afidavit Jawapan Defendan Kedua dan Defendan Ketiga yang diikrarkan oleh Ismail Bin Musa pada 29 September 2010 (“AJDIsmail”).
 - (e) Afidavit Jawapan Defendan Keempat, Kelima dan Keenam yang diikrarkan oleh Tan Sri Dato’ Haji Alimuddin Bin Haji Mohd Dom pada 14 Oktober 2010 (“AJDALimuddin”).
5. Untuk kemudahan rujukan, saya menggunakan singkatan dan rujukan yang sama seperti dalam ASP di sini.
6. Saya merujuk kepada perenggan 8 AJDChayed, perenggan 9 AJDIsmail dan sesungguhnya menyatakan bahawa saya telah mengisi Borang Tapisan Keputusan sebelum temuduga dijalankan. Borang tersebut tiada maklumat status kesihatan calon dan tidak menanya samada calon tersebut mengandung. Saya setuju mengisi borang tersebut kerana saya sesungguhnya percaya bahawa status, antara lainnya, hamil/mengandung (atau tidak) bukanlah satu kategori diskriminasi yang sah.
- Oleh kerana status kehamilan atau kesihatan saya tidak relevan kepada permohonan saya, saya sesungguhnya percaya bahawa samada saya mengandung atau tidak bukan merupakan satu faktor yang boleh dipertimbangkan dalam membuat keputusan memenuhi jawatan GSTT tersebut.
7. Saya merujuk kepada perenggan-perenggan 10-11 AJDChayed, perenggan 11-12 AJDIsmail dan sesungguhnya menyatakan bahawa soalan-soalan yang ditujukan kepada saya oleh pegawai temuduga adalah hampir sama dengan Borang Urusan Temuduga GSTT. Soalan-soalan yang ditujukan tidak merangkumi status keadaan atau kesihatan saya. Oleh itu, saya sesungguhnya percaya bahawa samada saya

mengandung atau tidak bukan merupakan satu faktor yang boleh dipertimbangkan dalam membuat keputusan memenuhi jawatan GSTT tersebut. Selanjutnya saya menegaskan bahawa saya telah memenuhi segala syarat, kelayakan dan kriteria yang telah digariskan di bawah Pekeliling Perkhidmatan Kementerian Pelajaran Malaysia Bil. 1/2007 (“Pekeliling”).

8. Saya merujuk kepada perenggan-perenggan 12-13 AJDChayed, perenggan-perenggan 13-14 AJDIsmail dan saya menegaskan bahawa Memo Penempatan yang diberikan kepada saya pada 12 Januari 2009 merupakan satu dokumentasi tawaran dan saya telah menerimanya. Memo Penempatan saya jelas menyatakan bahawa saya telah dipilih untuk ditempatkan di SMK Tinggi Kajang, Kajang dan tarikh lapor diri saya adalah pada 5 Januari 2009 (yang telah pun lepas semasa Memo Penempatan diberikan kepada saya pada 12 Januari 2009). Ini bermakna bahawa jawatan GSTT bagi sekolah tersebut masih kosong setakat 12 Januari 2009 dan saya telah dipilih untuk mengisi kekosongan tersebut.
9. Berlanjutan dari perenggan di atas, saya manafikan perenggan 13 AJDChayed dan perenggan 14 AJDIsmail. Saya menegaskan bahawa contoh Surat Tawaran Jawatan dan Lantikan Sebagai GSTT dan contoh Surat Setuju Terima Tawaran dan Lantikan Sebagai GSTT yang dilampirkan sebagai eksibit merupakan dokumentasi tawaran lanjutan yang berasal dari dokumentasi tawaran yang sah dalam bentuk Memo Penempatan yang telah diterima oleh saya pada 12 Januari 2009.
10. Di dalam menjawab perenggan 15 AJDChayed, saya menegaskan bahawa seorang pegawai PPDHL telah menyuruh semua perempuan yang hamil / mengandung untuk mengakui perkara itu dengan segera dan mengambil balik Memo Penempatan hanya selepas taklimat selesai. Pengambilan balik Memo Penempatan tersebut adalah hanya kerana saya dan 2 orang perempuan yang lain hamil / mengandung.

11. Saya merujuk kepada perenggan-perenggan 17 AJDChayed dan perenggan-perenggan 19-20 AJDIsmail. Saya sesungguhnya menyatakan bahawa Kriteria Kelayakan Lantikan GSTT Sekolah Menengah Jabatan Pelajaran Negeri Selangor (“kriteria kelayakan”) juga bersifat diskriminasi seperti Pekeliling tersebut dan saya menggunakan perenggan 20 dan 26 ASP sebagai jawapan kepada perenggan-perenggan tersebut.
12. Saya merujuk kepada perenggan-perenggan 20-21 AJDChayed, perenggan-perenggan 23-25 AJDIsmail dan perenggan-perenggan 9.3, 10 dan 12 AJDALimuddin dan sesungguhnya percaya dan menyatakan berikut:
 - 12.1 Saya mengaku dan bersetuju bahawa tujuan utama GSTT dilantik adalah untuk mengatasi masalah kekurangan guru.
 - 12.2 Saya merujuk kepada perenggan-perenggan 6.1-6.2 Pekeliling. Saya menyatakan bahawa perkhidmatan GSTT adalah berdasarkan sebulan ke sebulan dan akan tamat pada 31 Disember tahun berkenaan atau ditamatkan pada bila-bila masa apabila perkhidmatan mereka tidak dikehendaki lagi. Ini menunjukkan tempoh kerja GSTT adalah bersifat sementara.
 - 12.3 Selanjutnya saya merujuk kepada perenggan 3 Pekeliling dimana jelas dinyatakan bahawa GSTT tidak layak mendapat apa jua faedah atau kemudahan seperti yang diterima oleh guru-guru tetap kecuali eluan bulanan sahaja.
 - 12.4 Tiada apa-apa di dalam Pekeliling yang menyatakan bahawa perlantikan GSTT tertakluk kepada satu tempoh masa yang tetap. Saya boleh berhenti kerja dan perkhidmatan saya boleh ditamatkan bila-bila masa. Seperti yang dinyatakan di 12.2 jawatan GSTT adalah bersifat sementara.
 - 12.5 Semasa saya menerima Memo Penempatan tersebut saya mengandung hampir 3 bulan. Saya masih boleh bekerja seperti biasa selama sekurang-kurangnya 5 bulan. Seperti yang dinyatakan di 12.4 saya boleh berhenti

kerja dengan memberi 1 bulan notis dan sememangnya saya tidak memerlukan cuti bersalin.

- 12.6 Oleh itu pernyataan dimana pengambilan calon GSTT yang hamil akan mengecewakan tujuan (“*defeat the purpose*”) perlantikan GSTT sememangnya tidak berasas. Berdasarkan tujuan perlantikan dan Pekeliling saya menegaskan bahawa perlantikan saya tidak akan mengecewakan tujuan (“*defeat the purpose*”) perlantikan GSTT, sebaliknya perlantikan saya akan membantu tujuan perlantikan GSTT iaitu mengatasi masalah kekurangan guru.
- 12.7 Selanjutnya saya saya menggunakan perenggan 20 dan 26 ASP sebagai jawapan kepada perenggan-perenggan tersebut.
13. Saya merujuk kepada perenggan 16 AJDIsmail dan perenggan 14 AJDALimuddin dan saya menegaskan bahawa ianya tidak relevan.
14. Saya menafikan perenggan 11.4 dan 11.5 AJDALimuddin dan sesungguhnya percaya dan menyatakan berikut:
 - 14.1 Saya telah melalui suami saya menerima satu e-mel daripada Puan Rubaayah Osman, Ketua Unit Media dan Komunikasi Korporat Kementerian Pelajaran Malaysia pada 27 Februari 2009 menjemput kami menghadiri diri dalam satu perjumpaan yang menglibatkan Kementerian dan Jabatan-Jabatan yang berkenaan pada 10 Mac 2009.
 - 14.2 Suami saya telah membalias kepada e-mel tersebut pada 5 Mac 2009 dimana beliau jelas menyatakan dalam e-mel tersebut bahawa kami akan menghadiri diri bersama-sama pembantu peribadi YB Hajjah Zuraidah dan juga wakil peguam kami. Ini adalah untuk memastikan bahawa semasa perjumpaan tersebut kami dapat diwakili oleh mereka yang arif dalam hal perundangan.

- 14.3 Puan Rubaayah Osman telah membalias e-mel kami pada 5 Mac 2009 dan satu surat jemputan bertarikh 5 Mac 2009 dilampirkan bersama-sama dengan e-mel tersebut.

Kini dikemukakan dan ditunjukkan kepada saya bertanda sebagai “**Ekhibit NAS-7**” adalah sesalinan e-mel e-mel bertarikh 27 Februari 2009 dan 5 Mac 2009 beserta dengan lampirannya iaitu surat jemputan bertarikh 5 Mac 2009 tersebut.

- 14.4 Saya menegaskan bahawa pihak Defendan-Defendan tidak sama sekali dalam balasan e-mel mereka mahupun surat mereka menyatakan bahawa kami tidak dibenarkan menghadiri diri bersama-sama dengan wakil kami. Justeru itu kami menganggap bahawa pihak Defendan-Defendan tiada bantahan terhadap tindakan kami.
- 14.5 Pada 10 Mac 2009, saya hadir dan saya ditemani tiga wanita yang merupakan wakil saya. Perjumpaan tersebut tidak dijalankan kerana ketiga-tiga wanita tersebut tidak dibenarkan masuk bersama-sama dengan saya manakala terdapat lebih kurang 10 pegawai-pegawai yang hadir untuk mesyuarat tersebut. Saya yang telah menegaskan bahawa ketiga-tiga wanita tersebut dibenarkan masuk dengan saya kerana seperti yang saya nyatakan dalam 14.4, pihak Defendan tidak membangkitkan sebarang bantahan sebelum ini.
- 14.6 Selain daripada itu, disebabkan terdapat hampir 10 pegawai-pegawai yang terlibat dalam perjumpaan tersebut manakala saya hanya berseorang, saya terletak dalam “*great disadvantage*”. Disebabkan ini saya telah memilih untuk tidak menghadirkan diri dalam perjumpaan tersebut kerana saya berasa ianya tidak adil kepada saya.
15. Saya dinasihat oleh peguamcara saya dan sesungguhnya percaya bahawa konvensyen-konvensyen/perjanjian-perjanjian antarabangsa yang lain,

terutamanya CEDAW boleh dan adalah diterimapakai sebagai undang-undang tempatan dan tindakan Defendan-Defendan bercanggah dengan CEDAW. Hujahan undang-undang lanjut berkenaan isu ini akan dilanjutkan oleh peguambela saya semasa perbicaraan kes ini.

Maka, saya dengan rendah diri memohon untuk perintah-perintah seperti yang dipohon di dalam Saman Pemula yang difailkan di sini.

Jurat

Berkenaan dengan afidavit oleh seorang deponen bernama)
 NOORFADILLA BINTI AHMAD SAIKIN)
 (No. K/P.) yang dapat membaca dan memahami)
 Bahasa Malaysia dan di mana penterjemahan tidak diperlukan.)
 Diikrarkan pada 23 NOV 2010 di Kuala Lumpur)

Di hadapan saya,

Pesuruhjaya Sumpah



Lot 1.68, Tingkat 1
 Wisma Cosway,
 88 Jalan Raja Chulan
 50200 Kuala Lumpur.

Folio: 8

Afidavit Jawapan Plaintiff ini difailkan oleh Tetuan Chooi & Company, peguamcara bagi Plaintiff yang dinamakan di atas, yang beralamat di Tingkat 23, Menara Dion, 27 Jalan Sultan Ismail, 50250 Kuala Lumpur.

[Tel: 03-2055 3888, Faks: 03-2055 3880, Ruj: 20090815 EB]

DALAM MAHKAMAH TINGGI MALAYA DI SHAH ALAM
DALAM NEGERI SELANGOR DARUL EHSAN
SAMAN PEMULA NO. MT - - 2010

Dalam perkara Aturan 7, Aturan 15 Kaedah 16 dan
Aturan 28 Kaedah-Kaedah Mahkamah Tinggi 1980

DAN

Dalam perkara seksyen 41 Akta Spesifik Relif 1950

DAN

Dalam perkara Artikel-Artikel 4, 5 dan 8
Perlembagaan Persekutuan

DAN

Dalam perkara Konvensyen Untuk Menghapuskan
Diskriminasi Dalam Semua Bentuk Terhadap
Wanita 1979/81 ("Convention on the Elimination of
All Forms of Discrimination against Women
1979/81") dan Akta Pekerjaan 1955

DAN

Dalam perkara penarikan balik lantikan Noorfadilla
Binti Ahmad Saikin sebagai Guru Sandaran Tidak
Terlatih

DAN

Dalam perkara permohonan untuk, antara lainnya,
deklarasi dan gantirugi

ANTARA

NOORFADILLA BINTI AHMAD SAIKIN

PLAINTIF


DAN

1. CHAYED BIN BASIRUN
2. ISMAIL BIN MUSA
3. DR HAJI ZAHRI BIN AZIZ

4. KETUA PENGARAH PELAJARAN MALAYSIA, KEMENTERIAN PELAJARAN MALAYSIA
5. MENTERI PELAJARAN MALAYSIA, KEMENTERIAN PELAJARAN MALAYSIA
6. KERAJAAN MALAYSIA DEFENDAN-DEFENDAN

SIJIL PERAKUAN EKSHIBIT

Saya dengan ini mengesahkan bahawa yang berikut ini adalah sesalinan ekshibit yang bertanda sebagai "NAS-7" yang dirujuk dalam Afidavit Jawapan Plaintiff oleh NOORFADILLA BINTI AHMAD SAIKIN dan diikrarkan di hadapan saya pada **23 NOV 2010**



Lot 1.68, Tingkat 1
Wisma Cosway,
88 Jalan Raja Chulan
50200 Kuala Lumpur.

Mohd Izwan Bin Dato' Zakaria

From: Mohd Izwan Zakaria [mohd.izwan.zakaria@gmail.com]
Sent: Sunday, 8 March, 2009 10:57 AM
To: ebon@chooi.com.my; joanneleong@chooi.com.my; zuraida.kamaruddin@gmail.com; ampang@parlimen.gov.my; rozainiebbm@yahoo.com; m_izwan8@streamyx.com; Noorfadilla Ahmad Saikin
Subject: Fwd: Dikriminasi terhadap wanita mengandung oleh Jabatan Kerajaan
Attachments: Surat Mesyuarat GSTT (2) edited.doc

Greetings,

The following attachment is the "official" invitation letter from MOE for the meeting that will be held this coming Tuesday 10 March 2009 at 10:30am. I hope that you will find a time to accompanied my wife to the meeting. I would not be able to join for the meeting as I had a job commitment to attend to. My leave application was not approve as I was suppose to attend my work performance meeting with my employee. Failure to do so will result directly to my confirmation and termination.

Thank You

--
Mohd Izwan Zakaria.
B.Sc Hons. Computing For Business
Northumbria University, UK.

----- Forwarded message -----

From: Rubaayah Osman <rubaayah.osman@moe.gov.my>
Date: 2009/3/5
Subject: RE: Dikriminasi terhadap wanita mengandung oleh Jabatan Kerajaan
To: Mohd Izwan Zakaria <mohd.izwan.zakaria@gmail.com>
Cc: Noriah Abdullah <noriah.abdullah@moe.gov.my>, "Tan Sri Dr. Zulkurnain Hj. Awang" <zulkurnain@moe.gov.my>, Emely Clarice Joannes <emily.joannes@moe.gov.my>, Zubidah Anuar <zubidah.anuar@moe.gov.my>

Salam Sejahtera,

Sukacita bersama-sama ini dilampirkan surat jemputan berkaitan untuk rujukan dan tindakan tuan selanjutnya.

Sekian. Terima kasih.



Rubaayah bt Osman.

- i- Kementerian Pembangunan Wanita, Keluarga dan Masyarakat
- ii- Jabatan Kebajikan Masyarakat
- iii- Jabatan Pembangunan Wanita
- iv- Biro Pengaduan Awam

Sehubungan dengan itu, perjumpaan tersebut akan diadakan pada tarikh, masa dan tempat seperti berikut:

Tarikh : 10 Mac 2009 (Selasa)

Masa : 10.30 pagi

Tempat : Bilik Mesyuarat AKASIA, Bahagian Hal Ehwal Korporat, Kementerian Pelajaran Malaysia, Aras 5, Blok E8, Kompleks E,

Pusat Pentadbiran Kerajaan Persekutuan, 62604 Putrajaya.

Sebarang pertanyaan atau maklumat lanjut berkaitan dengan perjumpaan tersebut, sila hubungi saya seperti maklumat dibawah. Kerjasama, perhatian dan keprihatinan tuan saya dahului dengan ucapan ribuan terima kasih.

Sekian.

Rubaayah

Rubaayah Osman

Ketua Unit Media dan Komunikasi Korporat

Bahagian Hal ehwal Korporat

Kementerian Pelajaran Malaysia

T- 03 8884 6218

M- 012 2030 923

F - 03 8889 3698

From: Haziera Mat Husin
Sent: Tuesday, February 24, 2009 6:29 PM
To: Pn Rubaayah; Pn Rubaayah; Rubaayah Osman
Subject: FW: Dikriminasi terhadap wanita mengandung oleh Jabatan Kerajaan

From: Mohd Izwan Bin Dato' Zakaria [mailto:m_izwan8@streamyx.com]
Sent: Mon 2/23/2009 12:45 AM
To: Aduan Kementerian Pelajaran Malaysia
Cc: Emely Clarice Joannes; Haziera Mat Husin; mohd.izwan.zakaria@gmail.com; noorfadilla@gmail.com; 'Edmund Bon'
Subject: RE: Dikriminasi terhadap wanita mengandung oleh Jabatan Kerajaan

Salam Sejahtera kembali,

Kami telah menerima e-mel daripada pihak Kementerian Pelajaran Malaysia (KPM). Kami sekali lagi membangkang terhadap kenyataan yang dibuat didalam e-mel dibawah tentang "Kriteria Kelayakan Guru Sandaran (GSTT) Sekolah Menengah Jabatan Pelajaran Negeri Selangor". Kenyataan yang dibuat adalah sama sekali pembohongan oleh pihak KPM. Walaupun pihak KPM gagal atau tidak mahu memberikan kerjasama dalam member kepada kami sesalinan Pekeliling Perkhidmatan Bilangan 1/2007 Kementerian Pelajaran Malaysia, pihak kami telah mendapatkan sesalinan Pekeliling tersebut daripada sumber yang dirahsiakan. Janganlah pihak KPM memperbodohkan kami kerana kami bukalah orang yang mudah diperbodohkan. Pepatah inggeris ada menyebut, "You can fool some people some of the time, but you can't fool all the people all of the time". Kami cabar pihak KPM supaya memberikan kami sesalinan sebarang pekeliling yang ada menyebut atau menyatakan wanita mengandung tidak dapat menjawat jawatan GSTT.

Terima Kasih

Mohd Izwan Bin Dato' Zakaria

From: Aduan Kementerian Pelajaran Malaysia [mailto:aduan@moe.gov.my]
Sent: Tuesday, February 17, 2009 5:16 PM
To: Mohd Izwan Bin Dato' Zakaria
Cc: Emely Clarice Joannes; Haziera Mat Husin
Subject: RE: Dikriminasi terhadap wanita mengandung oleh Jabatan Kerajaan

Salam Sejahtera,

Dengan segala hormatnya saya merujuk kepada perkara di atas.

Berdasarkan kepada E-mel yang diperolehi pihak kami pada 22 Januari 2009 jam 9.41 pagi, pihak KEMENTERIAN PELAJARAN MALAYSIA mengambil maklum dan disertakan maklumat yang berkaitan bagi rujukan dan perhatian pihak puan.

Mengikut Pekeliling Bil.1/2007, Perlantikan GSTT (Guru Sandaran Tidak Terlatih) adalah tertakluk kepada Pekeliling Perkhidmatan KEMENTERIAN PELAJARAN MALAYSIA. Calon yang mengandung tidak boleh dilantik ke jawatan Guru GSTT kerana :

- i. Tempoh ibu bersalin hingga sihat terlalu panjang (2 bulan)
 - ii. Dikhawatir guru sering tidak dapat bertugas/hadir ke sekolah kerana sebab kesihatan atau urusan kesihatan dengan doktor/klinik ibu mengandung
 - iii. Guru bersalin terpaksa diganti dengan guru baru yang memerlukan penerangan
 - iv. Tiada peruntukan cuti khas bagi Guru GSTT
- v. **GSTT tidak boleh diganti dengan guru ganti**

Tujuan GURU GSTT adalah untuk mengatasi masalah kekurangan guru di sekolah dan tidak boleh membawa masalah pengajaran dan pembelajaran disekolah.

KRITERIA KELAYAKAN LANTIKAN GURU SANDARAN TIDAK TERLATIH (GSTT) SEKOLAH MENENGAH JABATAN PELAJARAN NEGERI SELANGOR

KELAYAKAN UMUR

- 1.1 IJAZAH - GENAP 18 – 35 TAHUN PADA TARikh MEMOHON
- 1.2 SPM DAN STPM - GENAP 18 – 30 TAHUN PADA TARikh MEMOHON

2. KELAYAKAN AKADEMIK

- 2.1 SPM – 4 KREDIT TERMASUK BAHASA MALAYSIA
- 2.2 SEKIRANYA CALON MEMPUNYAI STPM – JADUAL DIBAWAH ADALAH KELAYAKAN MINIMUM

PENGAJIAN AM	SUBJEK 1	SUBJEK 2	SUBJEK 3	SUBJEK 4
E	E	E	E	E
E	E	E	E	**
E	A	E	**	**
E	B	D	**	**
E	C	C	**	**
E	D	E	R	R

2.3 IJAZAH SARJANA MUDA YANG DIIKTIRAF DARI MAJLIS KELAYAKAN MALAYSIA

KELAYAKAN GAJI

3.1 SPM – DB17 P1T1

3.2 STPM – DB27 P1T1

3.3 IJAZAH – DC41 P1T1

**TIDAK BOLEH DILANTIK DAHULU SEHINGGA SURAT TAWARAN DIKELUARKAN OLEH PIHAK JABATAN
PELAJARAN SELANGOR**

- SYARAT LANTIKAN GSTT – MESTI DISEMAK KELAYAKAN SPM DAHULU. SEKIRANYA MEMPUNYAI STPM ATAU IJAZAH, JIKA KELAYAKAN SPM TIDAK MENCUKUPI SYARAT, TIDAK BOLEH DILANTIK
- PERMOHONAN CALON YANG MENGANDUNG TIDAK BOLEH DILANTIK KERANA GSTT TIDAK BOLEH DIGANTI OLEH GURU GANTI.

Perhatian pihak puan dalam perkara ini amatlah dihargai.

Sekian, terima kasih.

'BERKHIDMAT UNTUK NEGARA'

Pejabat Perkhidmatan Pelanggan

Kementerian Pelajaran Malaysia

T- 03 8884 6000 / F- 03 8888 8431

Sk. Ketua Unit Media dan Komunikasi Korporat

KEMENTERIAN PELAJARAN MALAYSIA

Sukacita dimaklumkan surat tuan telah diterima dan diucapkan terima kasih kerana berurusan dengan Pejabat Perkhidmatan Pelanggan, Kementerian Pelajaran Malaysia.

Sebarang pertanyaan, sila hubungi bahagian ini di talian seperti di bawah :

Tel : 03-8888 8443 / 445 / 446 Faks : 03-8888 8431 Web : www.moe.gov.my

Terima kasih.

“BERKHIDMAT UNTUK NEGARA”

Pegawai Perkhidmatan Pelanggan
Pejabat Perkhidmatan Pelanggan
Kementerian Pelajaran Malaysia

Jawapan :

Untuk mendapatkan maklumat lanjut, tuan boleh hubungi terus ke Bahagian Perancangan dan Penyelidikan Dasar Pendidikan di talian 03-8884 6468 (Dr NAIMAH) / 6515 (DR. NOORLIZA) / 6554 (PN. NASRAH)

-----Original Message-----

From: Mohd Izwan Bin Dato' Zakaria [mailto:m_izwan8@streamyx.com]
Sent: Wed 1/21/2009 11:57 PM
To: 'Lim Mei Ying'; 'info'; 'Wan Nur Ibtisam Ismail'; 'Norsuraya Bt. Pinjaman'; ppim@pmo.gov.my; Aduan Kementerian Pelajaran Malaysia; ismail@jpa.gov.my; Jabatan Pelajaran Negeri Selangor; info@sprm.gov.my
Cc: mohd.izwan.zakaria@gmail.com; noorfadilla@gmail.com; humanrights@suhakam.org.my; nutp@tm.net.my; nutpkl@pd.jaring.my
Subject: RE: Dikriminasi terhadap wanita mengandung oleh Jabatan Kerajaan

Kepada Suruhanjaya Pencegahan Rasuah Malaysia,

Kami berharap pihak SPRM dapat menjalankan siasatan atas salah guna kuasa / salah laku oleh pihak Pejabat Pelajaran Daerah Hulu Langat. Salah guna kuasa /salah laku ini telah lama berlaku didalam Pejabat Pelajaran Daerah malahan ianya turut berlaku didalam Pejabat Pelajaran Negeri. Berikut adalah kronologi e-mel yang kami telah hantar dan terima, daripada dan kepada kementerian/jabatan berkenaan. Sekian.

Kepada Kementerian Pembangunan Wanita, Keluarga Dan Masyarakat,

Perhatian: Wan Saidatul Shafina Mohd Amin, Lim Mei Ying, Cik Wan Nur Ibtisam Ismail dan Puan Norsuraya Pinjaman

Terima kasih atas kepentasan pihak Wan Saidatul dalam memberi respon terhadap e-mel kami. Kami berharap pihak Lim Mei Ying, Cik Wan Nur Ibtisam Ismail dan Puan Norsuraya Pinjaman dapat membalaaskan e-mel kami dengan segera. Kami juga berharap pihak Kementerian Pembangunan Wanita, Keluarga dan Masyarakat tidak menjadi seperti Pejabat/Kementerian/Jabatan sektor awam yang lain, yang lembab dalam menjalakan tugas. Sekian.

Kepada Pejabat Perdana Menteri, Kementerian Pelajaran Malaysia, Jabatan Perkhidmatan Awam Malaysia dan Pejabat Pelajaran Negeri Selangor,

Perhatian Pejabat/Kementerian/Jabatan berkenaan, kami masih lagi menunggu respon daripada pihak anda. Inilah masalahnya dengan sikap pegawai serta kakitangan di sektor awam, lembab dan tidak effisien dalam menjalankan tugas. Perlukah sesuatu aduan itu harus menunggu sehingga melebihi 8 hari ataupun 6 hari bekerja untuk menerima maklum balas. Adakah anda hanya "Makan gaji buta" setiap bulan, kerana sesungguhnya daripada pandangan kami, anda semua tidak menjalankan tugas masing-masing. Tidak perlulah adanya alamat e-mel untuk membuat aduan sekiranya anda tidak akan ambil endah. Sekian.

Mohd Izwan Bin Dato' Zakaria & Noorfadilla Binti Ahmad Saikin

From: info [<mailto:info@kpwkm.gov.my>]
Sent: Tuesday, January 20, 2009 1:11 PM
To: Norsuraya Bt. Pinjaman; m_izwan8@streamyx.com
Cc: Saripuddin Kasim
Subject: FW: Dikriminasi terhadap wanita mengandung oleh Jabatan Kerajaan
Importance: High

Encik Mohd Izwan,

Terima kasih di atas kiriman e-mel ketiga kepada Kementerian Pembangunan Wanita, Keluarga dan Masyarakat (KPWKM) serta kronologi aduan yang disertakan. Untuk makluman, e-mel tersebut telah kami panjangkan kepada Bahagian Dasar Pembangunan Wanita, Keluarga dan Masyarakat di bawah KPWKM untuk maklumbalas selanjutnya.

Sekian, terima kasih.

Wan Saidatul Shafina Mohd Amin
Unit Media dan Komunikasi Korporat
Kementerian Pembangunan Wanita, Keluarga dan Masyarakat

Puan Norsuraya,

Terima kasih di atas maklumbalas awal yang telah diberikan. Bersama-sama ini dipanjangkan e-mel ketiga yang diterima daripada Encik Mohd Izwan melalui laman web KPWKM untuk tindakan dan maklumbalas segera pihak puan kepada pengirim e-mel. Kerjasama puan dimohon untuk memanjangkan sesalinan jawapan tersebut kepada <<mailto:info@kpwkm.gov.my>> info@kpwkm.gov.my untuk tujuan rekod.

Segala perhatian puan dalam perkara ini amat dihargai dan didahului dengan ucapan ribuan terima kasih.

Wan Saidatul Shafina Mohd Amin
Unit Media dan Komunikasi Korporat
Kementerian Pembangunan Wanita, Keluarga dan Masyarakat

From: Mohd Izwan Bin Dato' Zakaria [mailto:m_izwan8@streamyx.com]
Sent: Monday, January 19, 2009 11:53 PM
To: 'Norsuraya Bt. Pinjaman'; 'Lim Mei Ying'; 'info'; 'Wan Nur Ibtisam Ismail'; 'ppm@pmo.gov.my'; 'aduan@moe.gov.my'; 'ismail@jpa.gov.my'; 'jpn.selangor@sel.moe.gov.my'; 'humanrights@suhakam.org.my'; 'nutp@tm.net.my'; 'nutpkl@pd.jaring.my'
Cc: 'mohd.izwan.zakaria@gmail.com'; 'noorfadilla@gmail.com'
Subject: RE: Dikriminasi terhadap wanita mengandung oleh Jabatan Kerajaan

Kepada Kementerian Pembangunan Wanita Dan Masyarakat,

Perhatian: Cik Lim Mei Ying, Cik Wan Nur Ibtisam Ismail dan Puan Norsuraya Pinjaman

Kami berharap pihak kementerian dapat memberikan jawapan segera kepada permasalahan ini serta dapat memberitahu kami apakah tindakan yang bakal diambil oleh pihak kementerian sekiranya perkara ini didalam siasatan pihak kementerian didapati benar. Kami juga berharap pihak kementerian dapat memberikan jangkamasa siasatan yang perlu dan jangkamasa tindakan yang diambil. Perkara ini tidak harus dilengah-lengahkan lagi kerana ianya adalah serius dan wajib diselesaikan segera pada hemat kami suami isteri.

Kepada Kementerian Pelajaran Malaysia dan Pejabat Pelajaran Negeri Selangor,

Kami sungguh kecewa kerana sesungguhnya pihak kementerian masih lagi gagal memberi sebarang respon terhadap e-mel kami. Adakah pihak kementerian pelajaran sedang bercuti panjang atau tidak ada sesiapa yang bekerja untuk memberi respon kepada kami. Sesungguhnya pihak kementerian wajib membersihkan namanya daripada tercalar atas tindak-tanduk oleh kakitangan PPN atau PPD yang jelas membuat keputusan tanpa berpandukan kepada arahan pekeliling serta melanggar Dasar Wanita Negara. Adakah ini sebahagian kurikulum pendidikan yang pihak kementerian berikan kepada anak-anak disekolah, iaitu wanita mengandung tidak boleh diberikan pekerjaan. Sila jawab atau respon kepada e-mel saya ini sekiranya pihak kementerian rasakan yang PPN atau PPD adalah benar dalam membuat keputusan mereka atau pun sebaliknya. Jawapan segera amat diperlukan.

Kepada Jabatan Perkhidmatan Awan,

Kami sungguh kecewa sehingga kini pihak JPA berdiam diri membisu tidak berkata. Bagi kami pihak JPA sebagai jabatan yang bertanggungjawab dalam pengurusan pekeliling oleh lain-lain jabatan atau kementerian harus memberikan respon kepada e-mel kami. Diharap pihak JPA tidak lepas tangan dalam isu ini.

Kepada Pejabat Perdana Menteri,

Mantan perdana menteri meminta sekiranya terdapat sebarang maklum balas, cadangan serta aduan, ianya boleh dihantar terus kepada beliau. Memandangkan perkara ini melibatkan pelbagai kementerian serta jabatan dibawah Pejabat Perdana Menteri, maka aduan melalui laman sesawang tidak sesuai digunakan, kerana itu saya menggunakan e-mel sebagai perantara. Walaupun mantan perdana menteri berada diluar negara, saya pasti terdapat ramai pegawai yang boleh member respon kepada e-mel aduan saya ini. Jadi jawapan daripada PMO amat diperlukan.

Kepada Badan Bukan Kerajaan (NGO's), NUTP dan SUHAKAM,

Kami kira NGO sebagai juara dalam memperjuangkan perkara seperti ini, tetapi kami mungkin tersilap kerana hingga kini kami tidak mendapat sebarang respon daripada pihak NGO ataupun pihak NGO. Jawapan daripada pihak anda amat dialu-alukan.

Sekiranya e-mel kami ini agak kasar serta kurang berbudi bahasa, kami tidak akan meminta maaf kerana kami merasakan kami masih harus bersikap begini bagi mendapat perhatian pihak berkenaan. Kami telah dianiaya oleh KERAJAAN MALAYSIA serta kementerian-kementerian dan jabatan-jabatan dibawahnya. Kami sebagai pengundi berdaftar serta rakyat Malaysia sudah jelak dipermain-mainkan oleh kakitangan kementerian/jabatan kerajaan. Bukan semua kakitangan seperti ini, namun segelintir yang bertindak tanpa mengikut lunas dan disiplin yang telah ditetapkan oleh jabatan masing-masing membuatkan imej kesemua kementerian/jabatan kerajaan menjadi buruk. Bak kata pepatah, Kerana Nila Setitik Rosak Susu Sebelanga. Sila jawab dalam kadar segera.

Sekian, Yang Kecewa

Mohd Izwan Bin Dato' Zakaria & Noorfadilla Binti Ahmad Saikin

From: Norsuraya Bt. Pinjaman [mailto:norsuraya@kpwkm.gov.my]
Sent: Friday, January 16, 2009 4:28 PM
To: Lim Mei Ying; info; Wan Nur Ibtisam Ismail
Cc: m_izwan8@streamyx.com

Subject: FW: Dikriminasi terhadap wanita mengandung oleh Jabatan Kerajaan

Miss Lim n Cik Wan,

Following email regards to gender equality. I believe u might have the right person / channel to clarify this issue.

Ur kind and immediate action is highly appreciated.

t.q

Norsuraya

From: Mohd Izwan Bin Dato' Zakaria [mailto:m_izwan8@streamyx.com]
Sent: Thursday, January 15, 2009 8:03 PM
To: 'Elfian Satria'; 'Norsuraya Bt. Pinjaman'
Cc: 'info'
Subject: RE: Dikriminasi terhadap wanita mengandung oleh Jabatan Kerajaan

Kepada Encik Elfian (JPW) dan Puan Norsuraya (Bahagian Dasar Pembangunan Wanita)

Saya berharap pihak jabatan/bahagian dapat menyiasat dan mengetengahkan isu ini kepada pihak berkenaan terutamanya Jabatan Pelajaran Negeri Selangor.
Saya dan isteri mempunyai bukti bahawa isteri saya telah diterima untuk menjawat jawatan GSTT tersebut. Kami sedia bekerjasama dengan pihak jabatan/bahagian sekiranya diperlukan.

Kepada Cik/Puan Wan Saidatul,

Terima kasih kerana membalaik e-mel saya dan melaporkan kepada jabatan berkenaan.

Sekian, Terima Kasih.

Mohd Izwan Bin Dato' Zakaria & Noorfadilla Binti Ahmad Saikin

From: info
Sent: Thursday, January 15, 2009 9:58 AM
To: Elfian Satria; Norsuraya Bt. Pinjaman
Cc: m_izwan8@streamvx.com
Subject: FW: Dikriminasi terhadap wanita mengandung oleh Jabatan Kerajaan

Encik Izwan,

Terima kasih di atas kiriman e-mel kepada Kementerian Pembangunan Wanita, Keluarga dan Masyarakat (KPWKM). Untuk makluman, e-mel tersebut telah kami panjangkan kepada Jabatan Pembangunan Wanita (JPW) dan Bah. Dasar Pembangunan Wanita, Keluarga dan Masyarakat di bawah KPWKM untuk maklumbalas selanjutnya.

Sekian, terima kasih.

Wan Saidatul Shafina Mohd Amin
Unit Media dan Komunikasi Korporat
Kementerian Pembangunan Wanita, Keluarga dan Masyarakat

Encik Elfian / Puan Norsuraya,

Bersama-sama ini dipanjangkan e-mel yang diterima daripada Encik Izwan melalui laman web KPWKM untuk tindakan dan maklumbalas segera pihak tuan / puan kepada pengirim e-mel. Kerjasama tuan / puan dimohon untuk memanjangkan sesalinan jawapan tersebut kepada <<mailto:info@kpwkm.gov.my>> info@kpwkm.gov.my untuk tujuan rekod.

Segala perhatian tuan dalam perkara ini amat dihargai dan didahului dengan ucapan ribuan terima kasih.

Wan Saidatul Shafina Mohd Amin
Unit Media dan Komunikasi Korporat
Kementerian Pembangunan Wanita, Keluarga dan Masyarakat

From: Mohd Izwan Bin Dato' Zakaria [mailto:m_izwan8@streamyx.com]
Sent: Tuesday, January 13, 2009 10:59 PM
To: forum@utusan.com.my
Cc: ppm@pmo.gov.my; aduan@moe.gov.my; ismail@jpa.gov.my; ipp.selangor@sel.moe.gov.my; info; humanrights@suhakam.org.my; nutp@tm.net.my; nutpk1@pd.jaring.my
Subject: Dikriminasi terhadap wanita mengandung oleh Jabatan Kerajaan

Salam Sejahtera,

Kepada pihak Utusan Malaysia:

Saya berharap pihak Utusan Malaysia dapat menyiarkan rintihan saya ini didalam ruangan forum. Tujuan saya meminta pihak Utusan Malaysia supaya menyiarkan rintihan saya adalah bagi kebaikan semua terutama bagi wanita berkerjaya dan mengandung. Berikut ialah butiran diri saya:

Nama: Mohd Izwan Bin Dato' Zakaria

No Telefon:

Sekiranya butiran peribadi saya tidak mencukupi, diharap pihak Utusan Malaysia dapat menghubungi saya bagi mendapatkannya. Rintihan saya adalah seperti akhir emel ini.

Kepada Kementerian-Kementerian dan Jabatan-Jabatan Kerajaan Malaysia:

Saya sebagai warganegara dan pengundi berdaftar berharap perkara ini dapat diperhalusi dan diperjelaskan dengan teperinci oleh mereka yang sepatutnya. Kedudukan dan tugas kerajaan adalah untuk melindungi dan mempertahankan hak rakyat berdasarkan perlembagaan dan dasar-dasar Negara.

Kepada Badan Bukan Kerajaan (NGO):

Diharap pihak NGO dapat memainkan peranan dalam mengetengahkan isu ini kepada pihak-pihak yang berkenaan. Sudah sekian lama perkara seperti ini tidak diendahkan oleh mana-mana pihak.

Terima Kasih

Mohd Izwan Bin Dato' Zakaria

Sudah sekian lama diskriminasi terhadap kaum wanita mengandung dilakukan oleh majikan-majikan di Malaysia. Sekiranya seseorang ini ingin memohon jawatan di dalam mana-mana syarikat swasta, mereka akan di tanya adakah mereka "mengandung" sewaktu temuduga jawatan. Sekiranya benar maka, mereka tidak mempunyai harapan langsung untuk ditawarkan bekerja. Ini dilakukan oleh majoriti syarikat di Malaysia. Namun, apa yang mendukacitakan saya adalah jabatan kerajaan juga mengamalkan "polisi" yang serupa. Baru-baru ini isteri saya ditawarkan untuk menjawat jawatan "Guru Sandaran Tidak Terlatih" (GSTT) oleh Pejabat Pelajaran Daerah (PPD) Hulu Langat.

Temuduga bagi jawatan tersebut diadakan pada 2 Januari 2009, isteri saya serta lebih kurang 30 orang lain datang bagi temuduga terbuka ini. Setelah beberapa hari menunggu untuk keputusan temuduga, pada 11 Januari 2009, kakitangan PPD Hulu Langat menghantar SMS kepada isteri saya dan mengatakan yang isteri saya telah dipilih untuk menjawat jawatan GSTT dan diminta untuk hadir ke PPD Hulu Langat pada 12 Januari 2009 untuk mengambil surat tawaran. Namun apabila isteri saya ingin mengambil surat tawaran bekerja, kakitangan pejabat pendidikan daerah tersebut bertanya sama ada adakah isteri saya mengandung. Isteri saya memberitahu perkara sebenar yang dia saya sedang mengandung 3 bulan. Selepas mendapat jawapan daripada isteri saya, kakitangan tersebut terus berkata wanita mengandung tidak dibenarkan untuk menjawat jawatan GSTT dan memberikan seribu satu macam alasan. Antaranya ialah, sebagai guru perlu melibatkan diri dalam kegiatan ko-kurikulum dan ada yang melibatkan aktiviti lasak. Tergamam dan terpinga-pinga atas jawapan tersebut isteri saya meninggalkan PPD Hulu Langat.

Kemudian saya dan isteri saya cuba mencari maklumat yang menyatakan wanita mengandung tidak dibenarkan menjawat jawatan GSTT di dalam laman sesawang Kementerian Pelajaran Malaysia (KPM), Jabatan Pelajaran Negeri (JPN) Selangor, PPD Hulu Langat dan Jabatan Perkhidmatan Awam (JPA) Malaysia. Kami gagal menjumpai sebarang pekeliling atau pun arahan di dalam mana-mana laman sesawang tersebut. Tidak puas hati, isteri saya cuba menghubungi KPM di Putrajaya bagi mendapatkan kepastian kesokan harinya. Namun KPM meminta kami menghubungi JPN Selangor kerana bagi perlantikan GSTT adalah di bawah bidang kuasa JPN masing-masing. Seterusnya isteri saya pun menghubungi JPN Selangor. Kakitangan JPN Selangor mengatakan bahawa mereka tidak akan melantik wanita mengandung bagi jawatan GSTT. Tidak puas hati, isteri saya minta kakitangan tersebut untuk mengemukakan sebarang pekeliling atau pun surat arahan yang melarang wanita mengandung dilantik ke dalam jawatan tersebut, namun kakitangan tersebut gagal untuk memberikan sebarang pekeliling maupun surat arahan. Persoalan saya, adakah wanita mengandung tidak layak untuk mengajar? Adakah guru wanita sedia ada yang mengandung terlibat dalam aktiviti lasak di dalam atau pun di luar sekolah? Adakah isteri saya yang telah dipilih untuk menjawat jawatan GSTT pada mulanya berdasarkan kelayakan dan kebolehannya, tiba-tiba tidak lagi layak untuk mendidik anak bangsa Malaysia semata-mata kerana isteri saya mengandung. Mengapa wanita mengandung sering di diskriminasikan untuk menjawat sebarang jawatan samada didalam syarikat swasta maupun di dalam jabatan kerajaan?

Saya inginkan jawapan dan penjelasan daripada pihak yang bertanggungjawab dan sekiranya perkara ini benar, ianya telah melanggar Dasar Wanita Negara yang antaranya menggariskan "Bahawa sebarang diskriminasi yang berasaskan jantina yang merugikan kaum wanita dihapuskan dalam semua pertimbangan sewaktu membuat keputusan dan tindakan-tindakan selanjutnya". Permasalahan

ini juga jelas melanggar hak asasi manusia seperti yang terkandung dalam Perisytiharan Hak Asasi Manusia Sejagat, Artikel 23; Setiap orang adalah berhak kepada pekerjaan, kepada pemilihan pekerjaannya secara bebas, kepada keadaan-keadaan pekerjaan yang adil dan berfaedah baginya dan kepada perlindungan daripada pengangguran.

Sekian.

Suami Kepada Wanita Yang Teraniaya



BAHAGIAN HAL EHWAH KORPORAT
CORPORATE AFFAIRS DIVISION
KEMENTERIAN PELAJARAN MALAYSIA
MINISTRY OF EDUCATION MALAYSIA
ARAS 5, BLOK E8, KOMPLEKS E
PUSAT PENTADBIRAN KERAJAAN PERSEKUTUAN
62600 PUTRAJAYA

070

Telpon : 03-8884 6822 - 677
Fax : 03-8884 6848 - 5421
Laman web : <http://www.moe.gov.my>

Ruj. Kami : KPM(BHEK)1002/101(43)
Tarikh : 5 Mac 2009

DI HANTAR MELALUI E-MAIL:

En. Izwan b. Dato' Zakaria & Isteri,

Tuan/Puan,

**PERBINCANGAN : ADUAN DISKRIMINASI TERHADAP WANITA
MENGANDUNG OLEH JABATAN KERAJAAN**

Dengan segala hormatnya saya merujuk kepada perkara di atas.

2. Adalah dimaklumkan bahawa satu perjumpaan yang bertujuan untuk memberi penjelasan kepada Pekeling Perkhidmatan Kementerian Pelajaran Malaysia Bil.1/2007 dan Kelayakan Guru Sandaran Tidak Terlatih (GSTT) Sekolah Menengah Jabatan Pelajaran Negeri Selangor oleh Kementerian Pelajaran Malaysia (KPM) yang telah menimbulkan kekeliruan kepada pihak tuan berdasarkan aduan tuan terhadap penarikan perlantikan isteri tuan sebagai GSTT oleh Pejabat Pelajaran Daerah Hulu Langat, Selangor. Perbincangan tersebut akan diadakan pada masa, tarikh dan tempat seperti berikut:

Tarikh : 10 Mac 2009 (Selasa)
Masa : 10.30 pagi
**Tempat : Bilik Mesyuarat Rafflesia, Aras 5, Blok E8,
Kementerian Pelajaran Malaysia, Putrajaya**

3. Sehubungan dengan ini, tuan dan isteri adalah dijemput untuk menghadiri perbincangan ini supaya kekeliruan tersebut dapat diselesaikan segera. Kehadiran dan kerjasama tuan dalam perkara ini amat dihargai dan didahului dengan ucapan ribuan terima kasih. Sebarang pertanyaan berkaitan perbincangan ini, sila hubungi **Cik Emily Clarice Joannes** di talian 03 - 88846253/012-6756295.

Sekian.

"BERKHIDMAT UNTUK NEGARA"

Saya yang menurut perintah,

tt

(RUBAAYAH BINTI OSMAN)

Ketua Unit Media dan Komunikasi Korporat

b/p: Ketua Setiausaha

Kementerian Pelajaran Malaysia

Tel : 03 8884 6218

E-mel : rubaayah.osman@bdpk.gov.my

Faks : 03 8889 3698

s.k: SUB, BHEK